

時忽失圓月有怪雲花有雨自古此語有因緣九十春光如流水百年身世似秋蟬往事茫茫總爲夢獨對落花恨錦々

題項羽焚秦宮圖

鳴鶴 古森幹枝

自秦亡六國統一四海廢唐虞三代之政焚詩書坑儒生言利之臣列於朝廷酷暴之吏滿於天下繁刑重斂疲民弊國阿房建怨長城築恨亡滅之勢已兆於立國之初沉始皇既死上有高枕肆欲之主下有指鹿爲馬之臣萬民之塗炭未有甚於此時者一夫夜呼天下分崩亦宜矣項羽不有尺寸之地乘勢起隴畝之中自立爲霸王盛矣哉今觀此圖而想當時之狀天下之人未必不懽然稱快也豈天假其手以報億兆之怨者歟雖然使羽有少所忍約法三章而止則漢之天下恐非沛公之有也嗚呼羽所以焚秦宮者是所以自焚楚之霸圖乎哉

梧園笠間先生口文勢流轉不可抑歇宛如決積水於千仞之谿者結末最妙有百尺竿頭進一步之趣

歲末偶成

笠間 梧園

評云實際之事寫出有真氣

論文談史髮皤如自笑老來風雅疎殘歲却餘閑日月一燈寒影讀吾書

辛卯除夕

先是余奉學官在熊本而家君猶在鄉任職於教育今秋以老

評云旅館實燈極是辛酸今翻案用之一家和樂中最佳
評云一家清福可飲可羨

壬辰元旦

辭職至此來就余寓不同此夕實五年矣。
昨日嚴興已奉迎枕頭無復客心驚一家和樂春將動同話寒燈旅館情。
世路崢嶸人幾顛燈前待酒送殘年此中自有無窮樂一室團樂醉未眠。
誰不王臣卒土濱冠塵彈去趁晴晨夜來風雨亦非惡洗出明治春色新。

題常盤雪行圖

評云似賴山陽樂府

滿天風雪剪冰肌。美人。心緒亂如絲。一兒攀裾一兒隨興復尤關懷裡兒。蛾斧安能斬仇首。強破我節且休咎。仇家衾中眠豈安。誰知雲雨夢却寒。難奈蛭島流人是鬼武。他日同根空相羨。君不見艱苦侵雪腸。欲絕衣川之水冷於雪。

元旦試筆

藤菊潭

慨然誰亦興斯文。不必懸旌萬里軍。憶得韓歐椽大筆倚天拔地策殊勳。

壬辰元旦

同

都鄙到頭一樣春。江山何處不清新。雞豚村釀柴門足亦是太平澤裏人。

同

同

梧園先生曰。太平有象。

風雨晴來洗俗塵。江山千里氣先春。紫宸殿裡祥烟麗。朱雀門前旭日新。萬國會同重玉帛。百官朝覲總簪紳。斯生未免圖書蠹。遙唱蟬音祝鳳晨。